

Sakspapir

Sakshandsamar	Arkiv	ArkivsakID
Berit Karin Rystad		22/47

Saksnr	Utval	Type	Dato
111/22	Formannskapet	PS	22.11.2022
057/22	Kommunestyret	PS	15.12.2022

Høyring og offentlig ettersyn - Interkommunal plan for sjøareal i Region Nordhordland

Vedlegg:

høyringsbrev interkommunal plan for sjøareal
planskildring interkommunal plan for sjøareal

Saksutgreiing:

Saksopplysningar

Kommunane Alver, Austrheim, Fedje, Gulen, Masfjorden, Modalen, Osterøy og Vaksdal har i fellesskap utarbeida eit forslag til interkommunal plan for sjøareala i kommunane (planen), jf. plan og bygningslova (pbl.) §§9-1, 9-2 og 9-3. Det interkommunale planutvalet (IKPU) har fått mynde til å

sende planen ut på høyring og offentlig ettersyn. Planen bygger på rammene i planprogrammet som vart vedteke av IKPU juni 2021.

Interkommunal plan for sjøareal er ein plan på kommuneplannivå, jf. pbl. kap. 9. Det skal fastsettest juridisk bindande arealbruk med føresegn og retningslinjer. Den interkommunale planen vert presentert samla, men kvar kommune skal til slutt gjere vedtak om sitt sjøareal som bygger på ein samla regional plan. Planen er utarbeidd etter planprosessreglane, jf. pbl. kap. 11.

Planområdet omfattar sjøareala i kommunane Alver, Austrheim, Fedje, Gulen, Masfjorden, Modalen, Osterøy og Vaksdal. Planområdet gjeld berre sjøområda. Det vil sei frå flomålet i elveosar, vassflata, vassøyla ned og sjølv sjøbotn. Avgrensing ut i sjø er 1 nautisk mil utanfor grunnlinja og etter rammene elles i hamne- og farvannslova.

Eit hovudføremål med planlegging etter pbl. er å fremme berekraftig utvikling og bidra til samordning av statlege, regionale og kommunale oppgåver. Areal- og samfunnsplanlegging er ein sentral del av kommunane sitt arbeid med samfunnsutvikling. Planen skal vere ein arealplan for sjøareala, der heilskapen blir ivaretatt over kommunegrensene og at det utviklast langsiktige rammer for berekraftig arealbruk, forvaltning og verdiskaping i sjøområda. Planen skal munne ut i ein juridisk bindande plan på kommuneplannivå.

Frist for høyringa er satt til 6. desember. Fedje kommune har fått usett frist til 16. desember slik at

høyringa kan handsamast i kommunestyret den 15. desember.

Vurdering

Planforslaget får ingen direkte konsekvensar for Fedje kommune. Det er ikkje foreslått endringar knytt til arealet til kommunen. I arealdelen av kommuneplanen til Fedje kommune er det lagt inn eit område for akvakultur på austsida av Fedje mot Hjeltefjorden. Dette området ynskjer Fedje kommune å realisere, men kystverket har motsett seg dette, sjølv om kystverket godkjente området når arealdelen av kommuneplanen var på høyring. Fedje kommune har hatt dialog med kystverket i fleire omgangar for å finne løysingar for å realisere akvakulturområdet. Kommunen har mellom anna foreslått å endre/flytte lokasjonen og å gjere området mindre. Kommunen har og gjort fleire utgreiingar for å få fram at lokasjonen ikkje går ut over farlei og kjem i konflikt med skipsfart. Desse vurderingane har ikkje kystverket teke omsyn til.

Det er svært viktig for Fedje kommune å få realisert området satt av til akvakultur som ligg i arealdelen av kommuneplanen. Kommunen slit med å skaffe seg eit godt inntektsgrunnlag og fleire arbeidsplassar. Dei siste åra har tal innbyggjarar gått ned og det er no viktig for kommunen å snu denne negative utviklinga. Då treng me fleire arbeidsplassar og fleire innbyggjarar. Realisering av lokaliteten kan være med å bidra til inntekter gjennom havbruksfond og etablering av fleire arbeidsplassar som kan gi fleire innbyggjarar til kommunen.

Folkehelse

Ikkje relevant

Miljø

Moderne havbruksanlegg har gode tiltak for å beskytte det marine miljøet. Fedje ligg i raud sone, men dei lokale forholda med mykje straum og utskifting av vatn gjer at det er gode lokale forhold for oppdrett på Fedje.

Økonomi

Det er viktig for samfunnet på Fedje å få etablert fleire arbeidsplassar i kommunen

Konklusjon

Det er viktig for forvaltinga av sjøarealet i regionen at det lagast ein interkommunal plan for sjøareal. Då kan me sjå over kommunegrenser og gjennomføre ein god og berekraftig forvalting av sjøareala. Likevel må me ha to tankar i hovudet samtidig. Når Fedje kommune gjennom ein lang kommuneplanprosess har fått fram lokalitet for akvakultur, så er det viktig for kommunen å få dette realisert. Kommunedirektøren vurderer det slik at Fedje kommune må få utvikle sine fortrinn for å kunne være ein berekraftig kommune i framtida, både miljømessig og økonomisk. Fiske og akvakultur er nokre av fortrinna til kommunen.

Forslag til vedtak:

Kommunestyret tar høyringa til vitande.

Kommunestyret ber om at lokalitet for akvakultur på austsida av Fedje ved Hjeltefjorden blir realisert gjennom planprosessen, og at me kan bruke dialogen med kystverket for å finne ei løysing for arealet som begge parter kan være nøgd med.



Fedje kommune

Formannskapet - 111/22

F - **behandling:**

F - **vedtak:**

Kommunestyret tar høyringa til vitande.

Kommunestyret ber om at lokalitet for akvakultur på austsida av Fedje ved Hjeltefjorden blir realisert gjennom planprosessen, og at me kan bruke dialogen med kystverket for å finne ei løysing for arealet som begge parter kan være nøgd med.

Samrøystes.

Kommunestyret - 057/22

K - **behandling:**

K - **vedtak:**

Kommunestyret tar høyringa til vitande.

Kommunestyret ber om at lokalitet for akvakultur på austsida av Fedje ved Hjeltefjorden blir realisert gjennom planprosessen, og at me kan bruke dialogen med kystverket for å finne ei løysing for arealet som begge parter kan være nøgd med.

Samrøystes vedteke.